

† Տ. ԸՆԶԱԿ ՎԱՐԴ. ԵԱՂՋԵԱՆ

Երկարատև, ծանր հիւանդութիւնից (բարակացաւ) յետոյ իւր մահկանացուն կնքեց Խրիմի ս. Խաչ վանքում, որի վանահայրութեան պաշտօնն էր վարում 1912 թուից, մայիսի 3 ին Մայր Աթոռի միաբան Տ. Ընձակ վարդապետը Ծնուած է 1876 թ. Ալեքսանդրապօլում. սովորել է իր հայրենի քաքաքի ս. Փրկչի երկդասեան դպրոցում և աւարտել է 1891 թ., Մկրտիչ Ա. կաթողիկոսի օրօք 1895 թ. ընդունուել է Մայր Աթոռի միաբան, կուսակրօն քահանայ է ձեռնադրուել 1901 թուին. Վարել է հետեւեալ պաշտօնները՝ Մայր Աթոռի Տպարանի վարչութեան անդամութիւն, Ախալքալաքի գործալութեան, Սալմաստի փոխանորդութեան, Շամախու կոնսիստորիայի նախանգաթեան և Սաղիանի վանքի վանահայրութեան, Մանջուրիայի հայերի հոգևոր այցելուի, Ալեքսանդրապօլի փոխանորդութեան և վերջը Խրիմի ս. Խաչ վանքի վանահայրութեան:

Հանգուցեալը ընդունակ միաբաններից էր և ինքնաշխատութեամբ բաւական յառաջադիմեց. եկեղեցական արարողութիւնների նախանձախնդիր էր ու շուքով կատարող: Մայր Աթոռը զրկուեց իւր երիտասարդ միաբաններից մէկից եւս:

Տէրը լուսաւորէ հանգուցեալի հոգին: